

صاحب امتیازی :
شهیندرزاده فلبه لی
احمد صامی

اداره و تحریر محلی
جفال اوغلی چاده سنده دائره مخصوصه در .
مخابرات صاحب امتیاز ایله جریان ایتمه لی در .
نشری نارنجندن اون کون کچمش ذیخه لار
ایکی غروشددر



شرائط اشتراك :

برسته لکی ۹۵ آلتی آیلنی ۵۴ پوسته اتحادینه
داخل ممالك احنیه ایچون قرق
فرانقدر

اداره مدیری فلبه لی
محمدذهنی

اعلان ایچون اداره مدیری
محمدذهنی بکه مراجعت ایدیلیر .

عثمانی - بالقانہ محاربی

احوال عمومیہ

صربیلر و حیوانلری طونیورلر

صربستانده پک دهشتلی بر قیش ، وقتدن اول باشلامشدر . صرب عسکری ، پک زیاده تدارکسز اولدیغندن صغوقدن طونیورلر . طوب حیواناتی حدوده دوغری طوپلری کتیره میور .

هر طرفه قار و یاغور

شدتلی قار و یاغور ، بولغارستان و صربستانک شمال و وسط طرفلرینه و مواقع رفیعیه دوشمکده در .

بالقانلرده محط و غلا

بولغارستان و صربستانده دهشتلی بر محط و غلا حکمفرمادر . دکزدن روس اونی کلک احتالی قالمالی اضطراب چوغلشدر . بعض شهرلرده اکک ایکی فرانغه صایلیور .

حدودلرده مصادمه لر صیقلاشمشدر . شایان دقت اولان شوراسی درکه کرک صرب و کرک قارداغ حدودلرینه محاربه ، اوافق مفرزلرله جریان ایدیوردی . آشکار کوریلورکه صربیلر و بلغارلر آنحق دوندن بری حرکات مهمه به باشلامشدر .

صرب اراضینه تجاوز

مصادمه لر

عثمانی عسکری ، و هلیقا استقامتدن صربستانه کیره رک مذکور کوی یاقش وایلری حرکت اینشدر . عسکرلرمن ، قونیجه حوالیسنده طقانی ، اسزازیسنا نامنده کی مستحکم تپه لری ضبط ایتمشدر . کایتلی نقلیه حیواناتی و مهمات اله کچمشدر .

ارناودلر و هلیقاده

ارناود کولکلیلری و هلیقانی اله کچیروب بشوز قدر صرب عسکری تلف ایتمشدر . صربیلر فرار ایتدیکندن ارناودلر قورشونلی به دوغری هجوم ایدره رک محاصره آلتنه المشدر .

یکی بازار سنجاغنده

صرب مفرزلری ، یکی بازار سنجاغنه آلان هجوم ایدمه مشدر . بر قاج چته تجاوزندن بری صربیلر بر حال توقیده قالمقده در .

قورشونلی موقعی

قورشونلی موقعی ، حدود عثمانی دن اون بش کیلومتر و بعدنده اولوب نیش یولی اوزده رنده در . نیشی مدافعه ایدن موقع قورشونلی در . اکر سقوط ایدرسه ، نیش یولی مدافعه سز قالارق عساکر مظفره مزه آچیلش اولاجقدر .

صرب قرارگاه عمومی

صربیلر ، و رانییه عثمانی قرارگاه عمومی اتحاد ایتمشدر .

و هلیقا زرده ؟

و هلیقا ، و رانییه جنوبنده کاش اولوب صربلرک ایلك خط مدافعه سی و مستحکم ایدی .

نظار عمومی

ارتق عثمانی منتظم اردوسیله ارناود کولکلیلری صربستانه کیرمشدر . و هلیقانک سقوطیله نیش و و رانییه یوللری عثمانی اردوسنه اچلمشدر .

بولغارلرله حرب

کوستندیله دوغری

عثمانی قطعاتی حدودی تجاوزله کوستندیل استقامته دوغری ایلر و لکه باشلامشدر . کوستندیل صوفیه یوللرینه حاکم و بولغارلرک الک مهم مراکز عسکرینه سندن بری در . حدوددن ایکی بیچ ساعت ایچروده در . کوستندیل ، براوده کاش و مستحکمدر .

بولغار پیلاننک نتیجه عقامتی

کوستندیل ، بولغارلرک ما کدونیا به دوغری تصور ایتدیری هجومک مرکز اداره سی ایدی . لکن پیلانلری عقیم قالدیغندن کوستندیلده مدافعه وضعیتده قالمشدر .

ادرنه اینمازش

روس ارکان حربیه سنک فکرینه کوره ادرنه بی ضبط و تسخیر غیر قابل امش . بوسیه مبنی بولغارلر ، بر میدان محاربه سی ویرمک اضطرابنده ایشدر .

بوکا موفق اولاجقیمی ؟

عثمانی اراضیسنده بوکا موفق اولاجقیمی مشکوکدر . عثمانی اردوسی آرتق تجاوزله باشلادیغندن بویوک بر محاربه نک مریج وادیسنده و بولغار اراضیسنده وقوعی پک محتملدر .

چار و و و عثمانی دن

تجاوز

بولغارلرله ایلك جدی مصادمه چارروا و عثمانیه حدودلرینه کی تپه لرده وقوعه کلشدر . بولغارلر غلوباً رجعت ایتدیکندن عسا کر عثمانیه کوستندیله دوغری ایلر و لکه باشلامشدر .

بوجهتدکی بولغار قوتی

ایکی فرقه

بولغارلرک دویچده بر فرقه تشخیصده اوغراشدینی

محققدر . بوفرقه ، اون بش بیك کیشیلکدر . کوستندیلده نهایت اون ایکی بیك کیشی بولونا جقدر .

صوفیه کی محافظه ایده جک ؟

بولغارلر ، بوتون قوتلری حرمانلی جهتلریله ساحلدن کله جک عثمانی به مدافعه ایچون یکی زاعره ده تخشید ایتدیکندن صوفیه کی مدافعه ایده جک پک آز مستحفظلر قالمشدر . بونارله صوفیه نک مدافعه سی ممکن اولمادیغندن اورایه اوتوز بیك کیشیلک بر صرب فرقه سی کونده ریشدر .

رازلق جهتی

بوجهتده کی اووایه حاکم تپه لردن بولغارلر دفع ایدلمشدر . دشمنک تلفاتی کثیردر . بوتپه لری بولغارلر پک زیاده تحکیم ایتش ویکرمی به قریب میترا لیوزوضع ایلهمش ایدی .

الچاقر ، الچاقر !

کرک بولغارلر ، کرک صربلی وقارداغیلر ملینیت باروتی حاوی دوم دوم قورشونلی استعمال ایدیورلر . صربیلرله داغیلر دینامیتله دولو آل خجره لری ده استعمال ایدیورلر .

دولن منطقه سی

بو منطقه ده دخی شدتلی مصادمات وقوعه کلکده در .

دوسپاٹ بالقانی

بوحوالی ده عثمانی عسکریه کولکلیلر ، بولغارلری تپه لکه بر دوامدرلر .

ادرنه جهتلرنده

طمراش منطقه سی ، قلبه یی قورتارمق ایچون قرجیا به قدر ایلر و له ن عثمانی پیشدارلری بولغارلرله تماسه باشلامشدر . بولغارلر ، عثمانیلرک بوجهتدن قلبه به هجوم ایده جکلرینی آکلادقلرندن قرجیا ، دکرمن دره ، ایزوور و یکی کوی [بونلر قلبه خذاسنده ، باقان ایتکلرنده در .] جهتلرینه کایتلی مفرزلر سوقنه باشلامشدر .

حرمانلی ده

بولغارلرک الک بویوک قوتی حرمانلی ده بولونمقده در بولغارلرک قرق کلیسا جهتلرینه صالدریمق تصورنده اولدقلری ارتق تظاهر ایتمشدر .

بولغار سواریلری

قرق کلیسا جهتلرینه برای استکشاف بال قاشلی خذاسندن تجاوز ایدن آتی یوزقدر بولغار سواریبی عثمانی پیاده سنه تصادم ایتش و دورت یوزقدر تلفات ویرمشدر .

یونان ایله حرب

الاصونیه ده

یونانلیر ایله الاصونیه ده شدتلی محاربه لر ایدلمکده . در . یونان طیاره لری ، عثمانی مواقعی کشفه اوغراشیور .